



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thronus Dei Maria Deipara

Spinelli, Pietro Antonio

Coloniæ Agrippinæ, 1696

De undecimo, quod est martyres confortare, n. 44

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

potissimum expeteret respondit ipse, cupere se in Philosophia, cui eo tempore operam dabat, plurimum excellere. Deipara bono eum animo esse iubens, in ea facultate in insigni eruditione eum euasurum prædixit, additque, Vt autem intelligas mea ope, non tuo ingenio id te affecurum, extrema vita omnem doctrinam inter docendum ex tempore amittes, tradunt alij, quia naturalem scientiam potius, quam adolefcens attigerat, & non diuinam sibi dari poposcisset; idcirco hoc ei in extrema vita euenturum, Deiparam illi significasse, quicquid fuerit, ex illa hora breui in literis eos progressus fecit, vt præstantissimus suæ ætatis Philosophus sit habitus, & Magni nomen consecutus quod tum docendo, tum scribendo satis testatum posteris reliquit plurimos enim, eosque eximios habuit auditores: in ijs S. Thomam Aquinatem, Doctorem planè Angeli cum & Ecclesiæ lumen, plurimos etiam libros in Theologicis, & Philosophicis eruditione, & doctrina relectissimos edidit: in ijs de Virgine sua singulari patrona, librum prorsus admirabilem composuit. Nec tamen propterea tantus, ac talis Doctor ea, quæ ad spiritus profectum pertinent, negligebat: nam puritati cordis, regulari disciplina, & orationi minuscè studebat quod constantissimè de Alberto testatur Thom. Cantipratensis eius auditor, veluti testis oculus, in lib. 2. apum cap. 57. num. 50. Tandem sub vitæ finem, senio confectus dum è cathedra doceret, omnium, quæ ad litterarum scientiam pertinent, repente oblitus, hæc quæ sibi adolefcenti acciderunt, narrauit, seque ad vitæ terminum peruenisse testatus est. itaque discessit, auditoribus cum lachrymis vberim non secus, ac si iam obijisset prosequentibus, reliquum deinde vitæ, in oratione, alijque pietatis officijs ad extremum vitæ spiritum maxima vitæ sanctitate traduxit.

Atque hæc de nonnullis, qui scientiarum, cognitionem Deiparæ opè iunt consecuti Consulto verò in præsentia prætereundum existimauimus Vdonem Episcopum Magdeburgensem, qui licet à Deipara scientiam sit adeptus, multis postea sceleribus, Dei in se iudicium prouocauit: quare & miserabili morte extinctus est; cuius historiam plenius in tract de Exemplis Deiparæ executi sumus.

De vade cimo beneficiorum genere, quod est martyres confortare.

DEIPARA CONFORTATRIX SANCTORUM Theodori, & Theophanis.

44 Inter alia Deiparæ beneficia, quibus suam, quam de fidelibus curam gerit, facile declarat, illud est; quod eos ad martyrium pro Christo fortiter lubeundum roborat, quem admodum apud S. Brigittam in sermone Angelico cap. 19. Angelus dixisse scribitur his verbis, Virgo Maria in hoc mundo ante Assumptionem ad bonorum confortationem, & errantium correctionem remanere permissa est. Erat enim magistra Apostolorum, Consolatrix Martyrum, Doctrix Confessorum, clarissimum speculum virginum, Consolatricum viduarum in coniugio viuencium saluberrima monitrix, atque omnium in fide catholica perfectissima Roboratrix. & mox Martyres quoque ad tribulationes gaudenter pro Christi nomine sufferendas animabat, qui pro ipsorum, & omnium salute, quam pluribus tribulationibus se ipsum sponte exposuerat, asserens se ipsam ante filij sui mortem 33. annis tribulationem cordis indefinenter in omni patientia pertulisse. hæc S. Brigitta, nos exemplis id confirmemus, si enim dum inter mortales degeret, id efficiebat, quanto magis idem in coelis regnans præstabit, vt propterea à Bonauentura in Lytanijs Deiparæ, ipsa iure optimo dicatur Confortatrix Martyrum.

SS. Theodorus, & Theophanes fratres à pueritia in Monasterio S. Sabæ nutriti, cum postea pro sanctarum Imaginum cultu aduersus Leonem Armenum verberibus affecti, & exilio relegati strenuè decertassent: rursus Theophilo Imperatori Iconomacho constanter resistentes multa tormenta perpessi, in suis cruciatibus Deiparæ opem implorabant, quid in epistola ab eodem S. Theodoro ad Ioannem Cyzici Episcopum data, videre licet, vbi de hac ipsa re, & de tormentis sibi, fratrisque pro eodem cultu sanctarum Imaginum illatis agitur: cuius verba hæc sunt, Imperator iussi nos exui, cum ambo autè exuti essemus verberabat ego, sic assidue clamante Imperatore, & eos, qui flagellabatur, adiuuante, Sic te in

S. Brigitta Reuelatio de Spiritu sui misericordiam Deiparæ.

SS. Theod. & Theophanes fratres in cruciatibus Deiparæ innocentiæ.

Albertus Magnus doctor in artem de pietate & aculari sumus.

Thomas Cantipratensis.

me geris? da pulchrè. Verberabatur itaque & tergum, & pectus absque vlla clementia, & misericordia Ego verò cum diu flagijs cederet, vociferabar: Nihil peccauimus in tuum Impetium & rursus Domine miserere, & sancta Deipara, veni ad nostrum auxilium. Deinde etiam verberatunt fratrem similiter clamantem, & dicentem: Sancta Deipara, ipsa quoque fugisti in Ægyptum, portans tuum filium, Respice ad me, qui propter similem tibi fugam punior, Domine, Domine, qui libera pauperem à manu eorum, qui sunt eo fortiores, ne diu differas tuum nobis dare auxilium. Et cum sic ambos concidisset quantum volebat iussit nos exire.

Et hi tandem præclarissimi Christi athlete post alios cruciatus in exilium pulsi sunt, vbi S. Theodorus in carcere expirauit: Theophanes verò pace demum Ecclesiæ reddita, factus Nycænus Episcopus, quieuit in Domino. quorum anniuersaria celebritas in Martyrologio recolitur die 27. Decembris. hæc eorundem martyrio, quod ex Metaphraste recitat Surius tom. 6.

Martyr.
Rom.
Metaphr.
Surius.

ANDREAS CVI VS IN SVIS PRO
Christi fidem tormentis Deipara inuocacione visior euadit.

B. Andr.
de Chio
cruciatus
plurimos
Mariæ inuocacione
superabat.
Georgius
Trapezuntius
Canisius.

45. IN his æterna memoria dignum videtur exemplum Andreæ de Chio martyris clarissimi natione Græci, qui Virginem in suis acerbissimis tormentis inuocabat, per quam tandem victor euasit. Huius martyrium litteris consignauit Georgius Trapezuntius Auditor grauis, qui, vt animaduertit Canisius lib. 5. de B. Virg. cap. 19. Græcus ipse de Græco martyre in vrbe Constantinopoli rem per magistratus publicè gestam, Christianis, ac Mahumethanis nouissimam descripsit: nos paucis huius martyrij historiam complectemur, quæ anno primo Pauli Papæ 11. qui erat Dominicæ Incarnationis 1465. die 29. Maij contigit, quam fufius refert Surius tomo 7. ad diem 29. Maij. Hic enim Andreas in Chio natus, & educatus castitatem Deiparæ vouerat, & moribus grauis etiam ab inanibus verbis sibi cauere cupiebat. Is à Mahumethanis Constantinopoli captus, & ad Christi fidem abnegandam sollicitatus, cum constantissimè renueret, sæuissimis tormentis nouies, antequam capite plecteretur, est excruciatu;

Surius.

nam 20. Maij flagellis, atque loris dirissimè cælus, sed in principio flagellorum (ut verbis vtat Trapezuntius) contremuisse dicitur, & manibus ad pectus contractis, ac digitis in pugnam cōpressis, magna exclamasse voce, Virgo Maria adiuua me. Inde pedibus altero ad alterum ad ductis stetit rectus in iisdem vestigijs, mirabile dictu, vsq; ad Solis occasum. Secunda die ferreis vngulis tergora pridie flagellata dilaceratur, sed Christi miles idem fecit, & Virginem magna voce inuocauit. Tertia die ei membra è suis locis diuelluntur. Quarta humeri carnibus per gladios denudantur. Quinta ciues carnibus cum noua colis lenè spoilantur. Sexta, partes inter genua, & ciues carnibus denudantur. Septima, suræ carnibus denudantur. Octaua, femur cum vicinis partibus excoriantur. Nona, totum corpus à capite ad pedes verberibus cæditur, & maxilla vna vno ictu carne denudatur, semel singulis quibusque congressibus magna voce initio inuocata Virgine victor recessit. Tandem sequenti die, quæ fuit 29. Maij vivax, & diuinitus sanus effectus perducitur: & cum in crucem Domini, & in Virginem matrem suam constantiam acceptam referret, securi percutitur, & à Christianis, permittente Turcarum Rege, honorificè sepelitur. Cuius corpus integrum post aliquot menses ab eius martyrio elapsos, vidit ipse Trapezuntius in sepulchro iacere eo corporis colore, tali vultus splendore, & habitu, vt non animum expirasse, sed dormire videretur. hæc Trapezuntius.

DE DVODECIMO BENEFICIORVM genere, quod est in omnibus necessitatibus præsto esse.

DEVOTI BEATISSIMÆ VIRGINIS à periculis liberantur.

46. CVM ad hoc genus reliqua Deiparæ in homines beneficia, quæ superioribus beneficiorum generibus non comprehenduntur, generatim spectent; atque adeo propter eorum multitudinem, ac varietatem, breui compendio concludi nequeant: idcirco ne plus æquo in ijs recensendis, ita mouemur, Lectorem remittimus ad cap. 20. & ad peculiarem tractatum de exemplis, & Miraculis Deiparæ in calce operis collocatum, de his qui totus ferè in eiusmodi beneficijs enarandis

Sapientia
Com
dada
gino di
mul
per
ab in
uicio
culo le
ranter

Esse
pau
rupia
obitu
seruau

Solid
gino
cio
eius
tunc
Aug